



МЕСЯЦА МАРТА В 13-Й ДЕНЬ

Пренесение мощей иже во святых отца нашего
Никифора, Патриарха Царяграда

На Господи, возвах: стихиры, глас 1.

Подобен: Небесных чинов:

Премудрости твоея струй, / почерпаемы мысленными облаки, / источают миру источник православия, / из нихже сладость, вернии, почерпающие, / ересей изливания, / якоже Меррских отвращаемся вод.

Твое чистейшее тело, / во гробе лежа, не растле отнюд, / но цело обретесе, всеблаженне Никифоре, / еже со тцанием принесе, / радовахуся православия питомцы, / благославне ты, Богомудре, блажаше.

Храм Божий бывша ты / Божественными деяньми, / храм апостольский званием почтенный, / приемлет, всеблаженне, / по погребении священо погребяемаго / и спогреша вся еретическая злосмерадная буесловия.

Слава, и ныне, Богородичен:

Прегрешений пучиною обуреваемь, / к тихому пристанищу прибег — / пречистой молитве Твоей, / Богородительнице, зываю Ти: / спаси мя, / крепкую Твою десницу простерши рабу Твоему, / Всенепорочная.

Крестобогородичен:

Воздвигена яко виде на Кресте Агнца, / непорочная Дева, / плачущи, вопияше: / сладкое Моё

Чадо, / что новое и преславное видение? / како
содержай всяческая горстию, / на Древе пригвож-
даешься плотию?

Канон, глас 2. Игнатия.

Песнь 1

Ирмос: Грядите, людие, / поим песнь Христу
Богу, / раздельшему море и наставльшему люди, /
яже изведе из работы египетския, / яко просла-
вися.

Грехов гробом люте содержи́ма мя / безсмертным
мановением Твоим и благоутробною Твоею возста-
ви дланию / и оживи, Щедре, яко всесильен.

Родная добродетелей совершенства четвероча-
стно стяжав / и, яко на колесницу, вшед, Богосе,
/ в конец Боговидения взялся еси от деяния.

Ты, жизни нетленные вкусив, / от чаши, препо-
добне, Божественныя пил еси трезвенное пиво, /
тем и мудрости приятелище был еси.

Отгнан быв престола, и славы, и паствы твоея /
рукою нужною, преподобне, ереси яротленных
зверей, / ныне к твоей ограде вшел еси.

Богородичен: Отчее Слово словом зачала еси, и
паче слова родила еси, / и по рождестве паче
естества и слова / Дева, яко прежде рождества,
паки пребыла еси.

Песнь 3

Ирмос: Утверди нас в Тебе, Господи, / Древом
умерщвлей грех, / и страх Твой всади / в сердца
нас, поющих Тя.

Оружием Креста защитився, / Божественное
воображение Владыки написуя, / поклоняешься
благочестно, отеческим последуя учением.

Паства, пастыря тя желаючи, тую по имени
зовущаго / и волки отгоняща жезлом веры, / к тебе
притекает, мудре.

Якоже древле Иосифа Божественнаго целомуд-
реннаго тело Израиль преносит, / тако ныне
Церковь Христова раку мощей твоих почитает.

Богородичен: Храм и священное жилище Слова
сущи, Богородице, / прегрешений очищение,
Пресвятая, буди ми, Приснодево.

Седáлен, глас 3.

Подóбен: Божéственныя вéры:

**Побéдами венчáл еси́ Цéрковь, / прéлесть отгна́в
злослáвия, / победоно́сец сýщо быв, / и освяща́еши
ми́ра концы́ пренесéнием святыхъ мо́щей тво́их, /
о́тче преподóбне, Христа́ Бо́га моли́ / дарова́ти нам
вéлию ми́лость.**

Слáва, и ны́не, Богоро́дичен:

**Божéственная ски́ния была́ еси́ Сло́ва, едина
Пречы́стая Ма́ти Дéво, / чистото́ю А́нгелы превоз-
ше́дшая, / па́че всех менé персть б́ывша, / осквер-
не́на плотскы́ми прегрешéньми, очы́сти моли́тв
Тво́их Божественными вода́ми, / подаю́щи, Чы́стая,
вéлию ми́лость.**

Крестобогоро́дичен:

**Несквэ́рная А́гница, Сло́ва нетле́нная Дéва Ма́-
ти, / на Кресте́ зря́щи повéшена из Нея́ без болéзни
прозя́бшаго, / ма́терски подо́бно рыда́ющи, вопи-
я́ще: / увы́ Мне, Ча́до Моё, ка́ко стра́ждеши во́лею, /
хотя́ изба́вити от страсте́й безчэ́стия челове́ка?**

Песнь 4

**Ирмо́с: Услы́шах, Го́споди, / сла́вное Твоё
смотре́ние / и просла́вих, Человеколю́бче, / непо-
стижи́мую Твою́ си́лу.**

**Киво́т свяще́ния, из него́же исто́чник исцелéний
почерпа́ем, / ра́ка тво́я бысть чту́щим тя.**

**Ереси́ отгна́л еси́ и па́сты ограда́ утвeрдил
еси́, / учéнии Божественными оградив.**

**По до́лгу почита́ем тво́их мо́щей, блаже́нне,
мирополо́жницу, / я́ко жи́зни то́чащую благово́ние
вёрным.**

**Богоро́дичен: Мы́сленный Тя рай, я́ко жи́зни
дре́во приёмшую, / во чре́ве, Дéво, Христа́, / тем, Тя
чту́ще, прославля́ем.**

Песнь 5

**Ирмо́с: Свёта Подáтелю и веко́в Тво́рче, Го́спо-
ди, / во свéте Тво́их повелéний наста́ви нас, / разве
бо Тебе́, ино́го бо́га не зна́ем.**

Врази́ посрамля́ются, ересена́чальницы с ни́ми

нейстовятся, / твою раку зряще, Богомудре, / верно почитаемую от царя и всей паствы твоея.

Священная твоя рака демонов лукавыя дүхи, якоже страшный бич, отгоняет / и победу на тыя, Никифоре, / славы Божественныя от Бога приемлет.

Совести горнило, огнем дүха воспалено, / яко злато, верою ты показá светло, / еретичествующих обличая мерзость.

Богородичен: Украсившись, Чистая, найтием Пресвятаго Дүха, / Бога сосцема дойши и Сего держиши объятии, / всю тварь дланию содержащаго.

Песнь 6

Ирмос: В бездне греховней валяясь, / неизследную милосердия Твоего призываю бездну: / от тли, Боже, мя возведи.

За веру страсти претерпел еси, / отеческих ради честных преданий изгнания понесл еси, / имиже славу стяжал еси пречестную.

Тверда вера твоя и противление мучителей безумие поколеба, / столп же огнен был еси честней Церкви, блаженне.

Яко светлых бисер и камни, мудре, паче светлейши, / раку и персть Церковь твоя имущи, / православия венцем удобряется.

Богородичен: Неизреченный образ рождества Твоего язьцы земнородных и Ангелов чествуют, / Ты, тварей, Владычице, вышшую всех, славяще.

Кондак, глас 1.

Подобен: Лик Ангельский:

Лик патриаршеский святую твою память / хвалами и песнями, Никифоре, чествует, / в преложении бо прият дүшу твою, славне. / Тем днесь честная Церковь, величаючи Христа Царя, / славит Единого Человеколюбца.

Песнь 7

Ирмос: Образу златому, на поле Дейре служиму, / трие Твои отроцы небрегоша безбожнаго веления, / посреде же огня ввержени, орошаеми, пояху: / благословен еси, Боже отец наших.

Божественною силою нетленны соблюдошася погребательныя ризы, / и кости твои Божественным мановением сопряжения не отрешшася, блаженне, / нечистых духов разсыплют злоумие. / Мы же вопиём: / благословен еси, Боже отец наших.

Стекаются людие, царь же благочестивый и сановных множество, / и, возложше славную твою раку на вѣях, Богоприятне, / якоже кивот пресвят, дориносят и поют: / благословен еси, Боже отец наших.

Божественный храм Слова учеников да примет верно, / апостолов собеседника и мучеников сожителя, / патриархов степень и отцев соседа, / благословен еси, — вопия, — Боже отец наших.

Богородичен: Зря Моисей купину неопалиму, прежде горящу огнем в Синаи, / Мати Пречистая, прообразующу ложесна Твоя: / Огонь бо зачещи Божественный, не опалилася еси, / но родила еси света Содетеля, Бога и Человека.

Песнь 8

Ирмос: В пещь огненную ко отроком еврейским снизшедшаго / и пламень в росу преложшаго Бога, / пойте, дела, яко Господа / и превозносите во вся веки.

В пристанище жизни от многих треволнений достиг еси, отче, Духа ветром, / и время доброе немокренною ногою твоею спас еси, / и ныне наслаждаешися тамошня тишины.

Гроб видяще, вернии, в новый жертвенник прият, / в немже Божественная совершаются всеожжения верно / и внутрь мертвеца священнейшаго, Чудодетеля и Бога превозносим.

Радуется стадо светло, / празднует монахов светлый лик, / и верных царей благочестивая порфира, и всякое сильных торжество / в честном мощей твоих пренесении.

Богородичен: Словом Слово во утробе, / всяческая словом составльшаго, зачещи безсеменно, Богородительнице, / Чистая Дево, паче слова родила еси. / Егоже превозносим во вся веки.

Песнь 9

Ирмос: *От Бóга Бóга Слóва, / неизречённою мýдростию пришéдшаго обновíti Адáма, / ядию в тлéние пáдшаго люте, / от Святы́я Дéвы неизречён-но воплотívшагося нас рáди, / вёрнии, единомýд-ренно пёсньми велича́ем.*

О твоём торжествé и болéзнях тво́их, óтче, А́нгельская сликовствую́т мно́жества, / Пресвята́го Го́спода благодарствен-но сла́вляще, / и мир свýше нам испроша́ют, / вёрно чту́щим твою́ мо́щи.

Моце́й тво́их благодáть я́ко чéстно врачевствó да бýдет нéмощем нáшим, / и моли́тва, всехва́льне, очисти́лице всем, / и к Бо́гу путь и вождь / вéрою и любóвию чту́щим тя, блаже́нне.

Победíteльными всеору́жии вёрныя защитív, Всецарю́, / руко́ю Твое́ю вёрныя на ва́рвары укрепí, / и Твою́ Цёрковь, я́ко твёрдое основáние вёрных, / преподóбнаго моли́твами правосла́вля-щую, сохрани́.

Богорóдичен: Я́ко крéпкое предстáтельство, я́ко наде́жду, и стéну, анкíру*, / и покрóв тверд, и неборíмое утвержде́ние, / и небу́рное пристáнище, и еди́но прибéжище, Чíстая, / стяжавше Тя вси, спаса́емся, Всепётая.

Перенесение мощей святителя Никифора Исповедника, Патриарха Константинопольского. Святой Никифор происходил из знатного рода, получил блестящее образование, был видным сановником при дворе императрицы Ирины (797—802). В качестве императорского уполномоченного присутствовал на VII Вселенском Соборе в Никее в 787 году, где явил себя ревностным защитником Православия. Тяготясь придворною жизнью, оставил двор и принял монашество. В 806 году он был возведен на Константинопольский патриарший престол и возглавлял Константинопольскую Церковь до 815 года, когда за почитание святых икон низвержен был с престола императором-иконоборцем Львом Армянином и сослан на лежащий в Мраморном море остров Проконнис (ныне этот остров называется Марма-

ра). Здесь он тринадцать лет провел в заточении и, преставившись ко Господу в 828 году, был погребен при храме святого мученика Феодора в монастыре, который сам основал.

При императрице святой Феодоре (память 11 февраля) и святом Патриархе Мефодии, возвратившем Христианской Церкви почитание икон, вспомнили и об умершем в заточении Патриархе Никифоре. Святитель Мефодий сам отправился на остров Проконнис. Обретенные там мощи святого Никифора были перенесены с псалмопением 13 марта в Константинополь.

В соборе Святой Софии совершено было всеобщее бдение над честными мощами, а утром они были перенесены в храм в честь святых Апостолов. Рука святителя хранится в Хиландарском монастыре на Афоне. Память святителя Никифора совершается также 2 июня.

* анкíра — якорь